

Sound & Harmony a cambia number pa Aruban Band

Awe e banda ta celebra su tercer aniversario

ORANJESTAD (AAN)- Un banda musical cu a ser lanta pa temporada di carnaval a crece y bira un di e mihor nan di Aruba den e grandinan, ta trata aki di Sound & Harmony cual banda awe a cumpli su tercer aniversario di existencia.

Tres aña pasa e banda aki a cuminsa toca bao di e number "Pa Tin Pret Band". E tempo ey e grupo di carnaval mes a lanta su banda, debi cu aña anterior e grupo di carnaval a confronta problema cu hopi placa pa paga banda musical durante paradanan di carnaval, y como tal "Pa Tin Pret Band" a ser lanta.

Dia 20 di April 1985 e banda a sali pa su prome toca di prueba den Astoria Restaurant den un fiesta publico. Y corto tempo despues e banda a bay Sint Maarten pa carnaval. Na Sint Maarten nan a haya bon cooperacion di Sonny Ho, cual cooperacion caba e banda aki a yega di haya aki na Aruba tempo di triple S. di Sonny Ho.

Number di e banda a ser cambia pa Sound & Harmony, debi cu e number original "Pa Tin Pret Band"



no tabata zona di e bon ey den cierto sentido, y ta despues di hopi ora di reunion entre e integrantesnan di e banda a dicidi di cambia e number.

Despues di tres aña e banda ta bolbe cambia number, y segun Sr. Carl De Freitas esaki lo keda number di e banda pa hopi aña cu ta "Aruban Band".

Den tres aña di e banda aki, por bisa cu tabata tin hopi cambio di musico, instrument

sonido. Un miembro di e banda a muri durante cu e

banda tabata na Miami aña pasa cu ta Jerry Arrindell.

Tambe e banda por ta orguyoso di por tabata tin hopi bon musico di bon experiencia y varios di nan cu awe ta bayendo conservatorio musical na Hulanda, entrenan Johnny Scharbaay, Reno Steba, Gabriel Flores cu ta studia musica na Merca.

Prome aña di Sound & Harmony den Calypso y Roadmarch nan a bay cu ambos titulo, e siguiente aña nan a bolbe ripiti cu e mes un cantante Might Talent. Ultimo festival nan a keda cu e titulo Calypso King so. Sound & Harmony a sali e banda di aña di SAC y durante carnaval

publico a biba cu e banda aki. E prome dos aña di e banda den calypso contest e banda a carga e number di "Pa Tin

Pret".

E banda ta conta cu un tremendo sonido, y por risca bisa cu nan tin un di e mihor set di instrument aki na Aruba y den Antiyas.

Den tres aña di e banda nan a graba dos disco 45 y masha hopi pista. Actualmente e banda ta trahando ariba 2 longplay cu pronto ta ariba mercado. Un di e longplay nan ta grabacion di carnaval y e otro ta variacion musical. Ambos long play lo ser promove internacionalmente.

Tin un cancion cu lo ser dedica na e fayecido Jerry Arrindell. Pa luna di November Aruban Band lo tin otro longplay ariba mercado cu ta cancion di pasco y aña nobo. Ariba e longplay aki lo tin 4 cancion di Robert Jeandor y e otro nan lo ta secreto.

Aruban Band a toca na Curacao, Sint Maarten, St. Eustatia, Miami, y nan a haci

grabacion durante carnaval pa Japon, y nan a toca mano a mano cu hopi banda internacional tanto di Curacao, Santo Domingo, New York y Venezuela, entre e bandanan aki Frank & Friends, Explosivo, Era, La Nueva Generacion, Las Chicas Del Can New York Band y mucho mas

Aruban Band a toca den casi tur club aki na Aruba y na hopi cas di familia pa fiesta di familia na prijs di 500 a 600 florin pa ora di casamento, primera santo comunio, 25 of 50 aña casa of cualkier fiesta entre nos cu nos. Na masha hopi ocasion e banda aki a toca por nada pa organisacionnan caritativo tanto na Playa como na San Nicolas.

E banda ta consisti, drummer Stanley Lloyd, quinto/tambora Julio La Fontaine, Timbales/vocalista Marlon Istatia, Bajista Nico Connor y Marlon Mercera, Guitarista Freddy Vorst, Pianista/vocalista Claudius Phillips, Vocalista Carl Rosberg, Saxophonista Bulto Gibbs, Trompetista Tarzan Jimenez, Bass trompetista Andres Tromp, Bandleader Trompetista/Director musical Alberto (Brother) Pantophlet.

E number Sound & Harmony a keda, pero como fundacion y den un otro articulo den edicion di mañan DIARIO lo trece e actividadnan di e fundacion aki.

DIARIO ta manda palabranan di pabien na integrantesnan di e banda aki, y deseo pa nan keda hopi aña mas.



**GOLDEN TULIP ARUBA CARIBBEAN
RESORT & CASINO**



Fandango
nightclub



proudly presents the magnetic talent of

★ **JOHNNY PORAZZO** ★

a dynamic musical show
accompanied by our house-band FERRARI



open daily with disco and live music from 9:00 p.m. till 2:00 a.m.
curtain time 10:30 p.m. (except on monday)

COVER CHARGE DURING SHOW \$7.50 AND 2 DRINKS MINIMUM
for reservations please call 33555